



Broj: 05-16-4-4955-6/15  
Sarajevo, 10.07.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

## **ODLUKU** **o dodjeli ugovora u postupku javne nabavke**

### **I**

Dodjeljuje se ugovor ponuđaču MIDDLE POINT d.o.o. Sarajevo, Ulica Džemala Bijedića broj 35 u postupku javne nabavke usluga servisiranja kontradiverzione opreme za potrebe Odjeljenja Sudske policije i Pritvorske jedinice Zavoda za izvršenje krivičnih sankcija.

### **II**

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

## **O b r a z l o ž e n j e**

Ministarstvo pravde Bosne i Hercegovine je 13.05.2015.godine, pokrenulo konkurentski postupak nabavke usluga servisiranja kontradiverzione opreme i izvršilo objavu na portalu javnih nabavki Agencije za javne nabavke Bosne i Hercegovine, dana 16.06.2015.godine.

16.06.2015.godine upućeni su pozivi za dostavljanje ponuda sljedećim ponuđačima: MIDDLE POINT d.o.o. Sarajevo, Ulica Džemala Bijedića broj 35, FILLING d.o.o. Sarajevo, Ulica Sagrdžije broj 16 i SHOT d.o.o. Zenica, Ulica Adolfa Goldbergera broj 9.


U ostavljenom krajnjem roku za dostavljanje ponuda, pristigla je samo jedna ponuda od ponuđača MIDDLE POINT d.o.o. Sarajevo.

Komisija za javne nabavke (u daljem tekstu Komisija) je pristupila ocjeni ponude i utvrdila da dostavljena ponuda od ponuđača MIDDLE POINT d.o.o. Sarajevo ispunjava formalno pravne i tehničke uslove navedene u konkurentskom zahtjevu i smatra se prihvatljivom.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 18.6-16-4964-1/15 od 24.06.2015.godine u prilogu), da se u predmetu nabavka usluga servisiranja kontradiverzione opreme za potrebe Odjeljenja Sudske policije i Pritvorske jedinice Zavoda za izvršenje krivičnih sankcija, donese Odluka o dodjeli ugovora ponuđaču MIDDLE POINT d.o.o. Sarajevo, Ulica Džemala Bijedića broj 35, čija cijena ponude iznosi 17.269,20 KM (slovima: sedamnaest hiljada dvijestotešesdesetdevet i 20/100 KM) sa uračunatim PDV-om.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio odluku, odnosno obavještenje o rezultatima.



**MINISTAR**

**Josip Grubeša**

Dostaviti:

- Ponuđaču,
- a/a.



Broj: 05-16-4-4954-6/15  
Sarajevo, 10.07.2015.godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, d o n o s i

## O D L U K U o poništenju postupka javne nabavke

### I

Poništava se postupak javne nabavke tonera i ketridža za faks aparate, printere i kopir aparate u skladu sa članom 69. stav (2) tačka d) Zakona o javnim nabavkama Bosne i Hercegovine, jer nijedna od primljenih ponuda nije prihvatljiva.

### II

Postupak nabavke iz tačke I ove odluke se poništava do donošenja Odluke o pokretanju ponovnog postupka. Odluka stupa na snagu danom donošenja.

## O b r a z l o ž e n j e

Ministarstvo pravde Bosne i Hercegovine je 13.05.2015.godine, pokrenulo konkurentski postupak nabavke tonera i ketridža za faks aparate, printere i kopir aparate, i izvršilo objavu na portalu javnih nabavki Agencije za javne nabavke Bosne i Hercegovine, dana 16.06.2015.godine.

16.06.2015.godine, upućeni su pozivi za dostavljanje ponuda sljedećim ponuđačima: DIGITAL LINE d.o.o., Ulica Marka Marulića broj 2, 71000 Sarajevo, RACIONAL d.o.o., Ulica Grbavička broj 6, 71000 Sarajevo i ZK OFFICE d.o.o., Ulica Vukovarska broj 38, 88000 Mostar.

U ostavljenom krajnjem roku za dostavljanje ponuda pristigle su četiri ponude i to od strane sljedećih ponuđača: PRIMAPROM d.o.o., Ulica Vidovdanska bb, 78000 Banja Luka, ZK OFFICE d.o.o., Ulica Vukovarska broj 38, 88000 Mostar, FRANEX TRADE d.o.o., Ulica Vilsonovo šetalište broj 9, 71000 Sarajevo i R&S d.o.o., Ulica Igmanska bb, 71320 Vogošća.

Komisija za javne nabavke (u daljem tekstu Komisija) je pristupila ocjeni pristiglih ponuda i utvrdila da ponude ne ispunjavaju sve formalno-pravne i tehničke uslove navedene u konkurentskom zahtjevu broj: 05-16-4-4954-2/15 i da se smatraju neprihvatljivim iz sljedećih razloga:

### **1. PRIMAPROM d.o.o., Ulica Vidovdanska bb, 78000 Banja Luka.**

Tačkom 4.1.5 konkurentskog zahtjeva – propisano je da ponuđač može učestvovati u postupku nabavke ako ispunjava uslov da je u posljednje dvije godine, uspješno realizirao najmanje dva ugovora ukupne vrijednosti minimalno vrijednosti ponude, a koji se odnose na nabavku tonera i ketridža za faks aparate, printere i kopir aparate. Takođe tačkom 4.1.6 propisano je da će ponuđač dostaviti potpisane i ovjerene najmanje dvije potvrde od strane primatelja o uspješnoj realizaciji ugovora koji se odnosi na nabavku tonera i ketridža za faks aparate, printere i kopir aparate (kao dokaz uslova iz tačke 4.1.5).

U konkretnoj ponudi ponuđača PRIMAPROM d.o.o. Banja Luka, dostavljene su dvije potvrde od kojih jedna potvrda broj: 02-1613-25-177/15 od 03.03.2015.godine Uprave za indirektno oporezivanje BiH, Banja Luka, isporuka tonera i ketridža u 2014.godini u kojoj nije precizno navedeno da je isporuka tonera i ketridža uspješno realizovana, te shodno navedenom ponuđač PRIMAPROM d.o.o. Banja Luka nije ispunio uslov koji je propisan konkurentskim zahtjevom nabavke tonera i ketridža za faks aparate, printere i kopir aparate.

## **2. ZK OFFICE d.o.o., Ulica Vukovarska broj 38, 88000 Mostar.**

Tačkom 4.1.5 konkurentskog zahtjeva – propisano je da ponuđač može učestvovati u postupku nabavke ako ispunjava uslov da je u posljednje dvije godine, uspješno realizirao najmanje dva ugovora ukupne vrijednosti minimalno vrijednosti ponude, a koji se odnose na nabavku tonera i ketridža za faks aparate, printere i kopir aparate. Takođe tačkom 4.1.6 propisano je da će ponuđač dostaviti potpisane i ovjerene najmanje dvije potvrde od strane primatelja o uspješnoj realizaciji ugovora koji se odnosi na nabavku tonera i ketridža za faks aparate, printere i kopir aparate (kao dokaz uslova iz tačke 4.1.5).

U konkretnoj ponudi ponuđača ZK OFFICE d.o.o. Mostar, dostavljena je samo jedna potvrda, te shodno navedenom ponuđač ZK OFFICE d.o.o. Mostar nije ispunio uslov koji je propisan konkurentskim zahtjevom nabavke tonera i ketridža za faks aparate, printere i kopir aparate.

Isto tako, tačkom 3.2.5 konkurentskog zahtjeva – propisano je da ponuđači mogu ponuditi originalne tonere i ketridže ili ekvivalente originalima (prema broju ispisa stranica). Ukoliko se nude originalni toneri i ketridži, kao dokaz o originalnosti nuđenih tonera i ketridža, ponuđači su dužni dostaviti potpisanu i ovjerenu potvrdu proizvođača originalnih tonera i ketridža, kojom ponuđač dokazuje da je ovlašten za trgovinu nuđenih tonera i ketridža ili potpisanu i ovjerenu potvrdu ovlaštenog distributera da je ponuđač ovlašteni partner, odnosno ovlašteni distributer nuđenih tonera i ketridža.

U konkretnom slučaju ponuđač ZK OFFICE d.o.o. Mostar, dostavio je ovlaštenje o prodaji tonera i ketridža marke Brother od 25.06.2015.godine, izdato od strane firme GRAFOTISAK d.o.o. Grude, koje nije original niti ovjerena kopija, već print u boji skeniranog ovlaštenja, čime nije ispunio uslov iz tačke 3.2.5 konkurentskog zahtjeva.

## **3. FRANEX-TRADE d.o.o., Ulica Vilsonovo šetalište broj 9, 71000 Sarajevo.**

Tačkom 4.1.1 konkurentskog zahtjeva – propisano je da ponuđač može učestvovati u postupku nabavke ako nije propustio ispuniti obaveze u vezi s plaćanjem direktnih poreza u skladu s važećim propisima u BiH ili zemlji u kojoj je registrovan. Takođe tačkom 4.1.2 propisano je da će ponuđač dostaviti ispunjenu Izjavu Aneks 2, kojom se dokazuje da ispunjava uslov iz tačke 4.1.1 (Izjava mora biti ovjerena od strane nadležnog organa kako se i traži, u slučaju da ne bude, ista se neće smatrati validnom).

U konkretnoj ponudi ponuđača FRANEX-TRADE d.o.o. Sarajevo dostavljena je tražena izjava ovjerena i potpisana od strane ponuđača ali koja nije potpisana i ovjerena od strane nadležnog organa, nadležni organ znači samo jedno: notarska ovjera, sudska ili ovjera u opštini, te shodno navedenom FRANEX-TRADE d.o.o. Sarajevo nije ispunio uslov koji je propisan konkurentskim zahtjevom nabavke tonera i ketridža za faks aparate, printere i kopir aparate.

Isto tako, tačkom 3.2.5 konkurentskog zahtjeva – propisano je da ponuđači mogu ponuditi originalne tonere i ketridže ili ekvivalente originalima (prema broju ispisa stranica). Ukoliko se nude originalni toneri i ketridži, kao dokaz o originalnosti nuđenih tonera i ketridža, ponuđači su dužni dostaviti potpisanu i ovjerenu potvrdu proizvođača originalnih tonera i ketridža, kojom ponuđač dokazuje da je ovlašten za trgovinu nuđenih tonera i ketridža ili potpisanu i ovjerenu potvrdu ovlaštenog distributera da je ponuđač ovlašteni partner, odnosno ovlašteni distributer nuđenih tonera i ketridža.

U konkretnom slučaju ponuđač FRANEX-TRADE d.o.o. Sarajevo, dostavio je autorizaciju/ovlaštenje o prodaji tonera i ketridža marke Canon, Epson i HP od 25.06.2015.godine, izdato od strane firme AVTERA BH d.o.o. Sarajevo, koje nije original niti ovjerena kopija, već print u boji skeniranog ovlaštenja, čime nije ispunio uslov iz tačke 3.2.5 konkurentskog zahtjeva.

## **4. R&S d.o.o., Ulica Igmanska bb, 71320 Vogošća.**

Tačkom 3.2.5 konkurentskog zahtjeva – propisano je da ponuđači mogu ponuditi originalne tonere i ketridže ili ekvivalente originalima (prema broju ispisa stranica). Ukoliko se nude originalni toneri i ketridži, kao dokaz o originalnosti nuđenih tonera i ketridža, ponuđači su dužni dostaviti potpisanu i ovjerenu potvrdu proizvođača originalnih tonera i ketridža, kojom ponuđač dokazuje da je ovlašten za trgovinu nuđenih tonera i ketridža ili potpisanu i ovjerenu potvrdu ovlaštenog distributera da je ponuđač ovlašteni partner, odnosno ovlašteni distributer nuđenih tonera i ketridža.



U konkretnom slučaju ponuđač R&S d.o.o. Vogošća, dostavio je autorizaciju/ovlaštenje o prodaji tonera i ketridža marke Lexmark od 23.06.2015.godine, izdato od strane firme LEXMARK INTERNATIONAL BH d.o.o. Sarajevo, koje nije original niti ovjerena kopija, već print u boji skeniranog ovlaštenja, čime nije ispunio uslov iz tačke 3.2.5 konkurentskog zahtjeva. Takođe sljedeće autorizacije/ovlaštenja nisu originali niti ovjerene kopije, već print u boji skeniranog ovlaštenja:

- autorizacija/ovlaštenje (bez preveda) za tonere i ketridže marke Brother od 23.01.2015.godine, izdato od strane istoimene firme, odnosno autorizacija od 24.06.2015.godine, izdato od strane firme DIGITEH d.o.o. Banja Luka;
- autorizacija/ovlaštenje za tonere i ketridže marke Xerox od 23.06.2015.godine, izdato od strane firme XEROX LIMITED Beograd;
- autorizacija/ovlaštenje za tonere i ketridže marke Canon i Epson od 25.06.2015.godine, izdato od strane firme AVTERA BH d.o.o. Sarajevo;
- autorizacija/ovlaštenje (bez preveda) za tonere i ketridže marke HP od 23.06.2015.godine, izdato od strane istimene firme;
- autorizacija/ovlaštenje za tonere i ketridže marke Panasonic od 23.06.2015.godine, izdato od strane firme GRAFOTISAK d.o.o. Grude.

Shodno izloženom, Komisija je predložila da se navedene ponude odbace kao neprihvatljive, jer Zakonom o javnim nabavkama BiH članom 68. stav (4) tačka i) je propisano, da je ugovorni organ dužan odbaciti zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

Na osnovu prednjeg Komisija je konstatovala da nijedna pristigla ponuda nije prihvatljiva s obzirom da ponuđači uz ponudu nisu dostavili tražene dokaze o ispunjavanju uslova propisanih u konkurentskom zahtjevu broj: 05-16-4-4954-2/15 i preporučila ministru pravde Bosne i Hercegovine (Zapisnik broj: 18.6-16-4-4963-1/15 od 26.06.2015.godine u prilogu), da donese Odluku o poništenju postupka nabavke tonera i ketridža za faks aparate, printere i kopir aparate.

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio odluku, odnosno obavještenje o rezultatima.



Dostaviti:

- Ponuđačima u postupku,
- a/a.